

梅月堂集

四



Opportunit

不...

口...

長...

美...

...

...

...

...

...

...

...

...

...

...

...

...

...

...

...

一夜松岡風雨足寒枝亂滴松花汁風薰日炙
土鬣鬆松斂落處蕈花白戴葉穿花頭角起稠
處撥開盈什百紫笠蒙茸酥釘長嬌脆猶帶松
花香霜醃烹出色味佳啖之已覺牙齒涼可堪
作腊滿筠籠爛煮小錯秋後嘗

石耳

蒼崖萬丈仰難企雷雨長此石上耳內面鬣鬆
外面滑摘來煩擱清似紙煎以鹽油甜且香悅
口芻豢那擅羨啖餘不覺肝膽涼知爾胚胎松
石裏以此撐腸棲碧峯居養已移氣與體已忘

十載雲泥踪不須臟腑時出洗

投贈

贈安生負

余在東都時被酒遊街路冠者從我行个个有
風度其中安氏子能詩又能賦相携金鰲峯東
瞰滄溟闊固知難為水胸襟何豁達夜靜讀離
騷孤忠何慘怛邇來別數年行業更磨刮高中
司馬試奔走来趨謁我言明主聖咎夔登金闕
孜孜復勤鍊挂名金桂籍他日衣錦還遠追孤
雲跡

上四佳亭二首

抱病年來與世踈
蘧蔭夢幻又蘧蔭
出門西望長安道
渺渺樹雲愁殺予

窰原春草綠如茵
得句池塘想轉新
山舍蕭條寒食近
杏枝風緊眼初勻

贈高同知

芥宮衿佩昔同氈
為弟為兄已數年
此夕堪嗟鴛失侶
餘年無計桂枝連
香囊尚在人何處
彩帳初空鳳獨眠
早識姮娥偷藥去
堅緘扁鐺莫相傳

上具節制 致寬

鷹揚尚父鎮關西十萬貔貅劔戟齊千里清風
沙塞靜一聲長嘯海天低胸中花陣韜文武匣
裏龍泉瑩鷲鷄定遠功成歸上國綠鬃牡馬仰
雲嘶

上具節制宣召赴京 文信

文伐功成膂力雄鎮西還旆五雲中三年刀斗
關山月萬里旌旗草樹風許國一身都是膽降
夷三尺滑成虹賜公弓矢承天寵馳志伊吾出
禁宮

贈肅川府使

羨政清於水威儀重似山三年宣聖化一邑剔
民姦喬木城池古甘棠訟獄閑豚魚息澤厚外
戶不魯關

逢全盡忠

癸酉赴春闈南宮一鶚飛遇君隨計吏約我入
荆園未綽桃花浪空懷漢玉歸劉公今久屈余
亦洙緇衣

贈祥原守

一邑煙霞老千家鷄犬聲風流太守意磊落宕

人情滄海連天遠青山入峽橫喜聞宣聖化絃
管動山城

書懷上四佳亭

亭亭壓小嶺洲落盡紅衣葉帶愁九折名途
如許好數間茅屋我無憂江山滿眼十年客風
月一窩千里秋掛錫城東飛瀑上君侯當日憶
儂不

有感觸事書呈明府三首

野服山冠不食人如何招我

秋風撼撼

吹衣布霜月森森照角巾事少可心惟慨歎情

多酸鼻漫逡巡誰知物外翻成累落在塵寰誤
此身

一天秋色老梧桐身世飄然有海東古邑蕭條
多老木新知寥落只孤窮人情翻覆如雲雨風
俗紛紜尚異同賴有鍾期惟茂宰書彈牙操若
為容

癖於山水老於詩禦木如虫偶爾宜身世尚寬
雙草屨風情多窄一麻衣餘生只合雲泉老度
日從教散誕癡知我者稀唯大笑海鴻何處更
相嗤

山中悶甚示柳公蒼

客館無聊酒半醺
好花一朶吐奇芬
男兒到處風流在
日日高唐夢綵雲

長安西望道途遙
花語襄陽特地嬌
明日漸多心不迫
柳枝從此綰長條
襄陽自古甚風流
叔父于今政最優
且莫做裝西笑去
清樽相對菊花秋

右三首戲贈

家翁齊肅正端人
城闕遊時對語頻
已作龍豬存歿異
逢君此日倍傷神

右憶乃翁

頤叟何年命爾名少年豪氣壓公卿黃梁一熟
邯鄲夢都在伊人歿後聲

右憶金頤叟

何為不仕筮朝端無奈奔忙怕熟官父執搢紳
今顯仕吹噓一夕化泥蟠

右叙問

贈江陵朴處士

閱盡人間能幾何世情隨却宦奔波不如高卧
長松下大唱商山四皓歌

戲贈主人

櫟餅嫩可啖旨酒清且甜加以新蒜芽海帶蓼
葭蒹主人亦坦率客亦清真者相談雜今古謀
慮延朝野也是放蕩人不在南朝下

簡寄

寄長湍閔處士二首

梅也相從問隱淪喜公風彩太清真滿鄉親戚
皆斯友一邑才華取若人風雨長湍漁艇噀煙
霞古縣役車麟幽居亦足神仙味何用區區物
外身

聞說長湍石壁環，可堪乘興剡溪間。
樹圍青嶂半明滅，煙逐白鷗相往還。
已付生涯歸蝶化，不妨踪跡與雲閑。
君看碌碌勞生者，肯捨風塵買得山。

寄永安節度使魚相國

有召

十三首

朔方醜虜服威稜，獨立營門劔氣騰。
重得潁川黃茂宰，爭迎牧野呂揚鷹。
秋回故壘凋弓硬，霜下長城鐵甲冰。
莫恨苦塊期未滿，從來忠孝自相仍。

朔風獵獵滿旗竿，霜草蕭蕭劔戟寒。
五鎮降夷

來屈膝一方黎庶競攀鞍
威炎赫赫稱飛將
膂力堂堂可拔山
却使女真諸子弟
馬前稽首舞蹠跚

塞北關西惣有名
經麻新賜玉犀明
劔澄漫水龍初帽
弓健鍾城虎已驚
詔下人稱方叔去
餞亭心悸蓼莪情
他年朔漠收功後
勲著天山勒碣銘

蕞爾羣夷帝欲降
請兵東援命吾邦
熙朝共譽迨吳起
狹道新書斃魏龐
斷磧簇煙山點點
野營收靄樹幢幢
功歸上國稱人傑
王錫彤

弓罽鞍駝

永安昔日據茲雄 王命元戎立大功揭揭戰

餘談笑壯磊磊胸次虜庭空嶺雲初捲山如沐
邊月無痕海不風年少勲高人並譽凌煙傑閣
草芄芄

去年兵後撫黔黎仗鉞奔喪九死嗥裨道燒錢
哀似隕梵宮陳席痛如剗松楸歷歷參於羹穹
昊蒼蒼仰以稽大孝未終王事道北山歌罷淚
成溪

相公廉謹衆騰喧匹馬來朝拜至尊交趾將輜

無蕙實南陽侯宅有蓬藩風雲壯氣蟠肝膽冰
玉清輝遺子孫受命忘家人莫歎貂裘夷醞飽
君恩

朔北窮寒稱不毛邇來無處問賢勞揚州路上
頻來慰葛嶺夷庭忽建旄道異未參鈴閣案情
深常慕羽林翻他年拜詔來 金闕須訪山中
翫雪濤

幸與公家接近鄰戲嬉竹馬往來頻君傳黃石
為名將我入緇門作道人鄉舊已非遼鶴語溪
城初定牧鷹身相逢異日論功業誰是誰非細

細陳

玉勒金鞍載儉僑元戎出獵旆搖搖鞭來白馬
驕如虎掣後蒼鷹壯似鷗自許卧營周太尉肯
同蹋鞠霍嫖姚遙知士卒身無事刀斗收聲吹
洞簫

慶源昔日躍龍基陵廟遺矮神鬼裨朝暮添香
延國祚歲時刳血獻彤墀鯨濤淼淼三千里貌
率侏侏十萬騎綠髮將軍卸甲胄調鷹刷馬海
天湄

野人皮服性麤頑言語侏儻鬢髮鬢臭茹窮居

蒼海岸風餐板屋白頭山導之仁義如充耳脅
以戎兵不格姦過化存神稱相國醜羣來舞賀
階干

勗哉南仲鎮邊疆一戰功成報我王聖主少
年多睿武賢臣碩德際明良岡多鳴鳳書青史
海不揚波譯越裳文伐一篇黃石略兵非接刃
制夷羗

京洛僑居記事寄四佳亭

僑居無一事寄傲北窓涼隔壁人聲鬧傍簷蛛
網長詩情閑裏好客夢靜中忙永日垂簾坐燕

苔染短牆

寄友二首

望中山水隔蓬萊斷雨殘雲憶幾回未展此心
空極目夕陽無語倚寒梅
為因生事無閑暇孤負尋雲結社期走殺紅塵
何日了碧山回首不勝思

寄友二首

落盡閑花春事去一封消息却來無相思夢罷
竹牕靜望帝城中山月孤

東望鷄林隔片雲胡然未易得逢君請看天外

孤輪月兩地清輝一樣分

尋訪

訪舊友朴靖孫

杖藜一尋君君家住海濱
寒花秋後艷落葉夜深聞
野外金風老簷頭夕照曛
寧知今日遇團坐更論文

喜正叔見訪

寂寂鎖松門無人踏蘚痕
澗聲搖北壑松籟颭東軒
世事寧緘口閑情似不言
喜君來一訪相對叙寒溫

南山訪七休

七休居士休休者得休休處便休休雲山花月
長為伴詩酒香茶自買憂剪燭夜飲清夜永銷
沈宵短繼宵遊欲知七休遨遊處風滿池塘五
月秋

荅李生欲訪

瓚

竒話初修拋冊眠山童報我薛濤牋松窻懶卧
尋常事莫問採藥還未還

喜友見訪

客裏無人吊柴扉盡日關無心看世事有淚憶

雲山故舊成踈闊親朋絕往還喜君留半日相對一開顏

有道者自山訪我告別

爾從山中來幾時山中秋色應淒涼湛湛江岸
上有楓落葉為舠風為槩石橋欹側滑莓苔解
虎錫下雲悠揚悠揚隨爾渡江水駕風乘彼來
帝鄉浮雲與爾兩無心四方上下誰迎將訪我
掉頭不肯住穿林落照翻行裝

酬荅

和箕叟韻十五首

寥落精廬秋興長
朗吟時作放翁狂
山城驟雨收殘暑
風樹踈蟬咽晚涼
湘簟嫩寒驚老骨
惠泉甘冽浣枯腸
年來陡覺星霜變
學取燒丹魏伯陽

平生事業已無長
遣興不如詩酒狂
浙瀝林泉經夜雨
參差庭樹入新涼
從前誤學屠龍計
末路空懷吐鼠腸
何處青山堪養拙
懸空飛瀑漱秋陽

地僻人稀午夢長
晚年偏學賀監狂
雲收青嶂留殘照
雨滴紅蕉逼晚涼
牢落生涯同鶴化
全

貧活計効龜腸小堂清悄無人共池底鳴蛙似
子陽

落葉虫絲秋日長孤吟惹得少陵狂森森脩竹
千竿碧浙浙飛泉一道涼故舊踈來嗟世態聖
賢中後活詩腸滿庭槐樹清陰靜時聽蜩螗弄
夕陽

老去逢秋傷感長十年人事付詩狂投閑却喜
吟為崇清隱無心酒博涼心字一條搖鵲尾月
團千轄遶羊腸平生只要詩名壯何必封侯得
舞陽

頗覺閑中歲月長
鳳歌聊和接輿狂
家僮謫我營生薄
過客嗔余談笑涼
徑有松篁醒俗耳
樽無醪醎惱愁腸
邇來風味多寒苦
疑是前身孟溧陽

少年書劍引盃長大隱東峯老更狂
雲雨世情同蘧棚風波宦海幾炎涼
封侯奪將非凡骨劇飲周生有別腸
遙想公如晉山簡風流日日醉高陽

塵飛紫陌九街長
遭遇清時喜轉狂
暮退玉堂星錯落
朝趨金殿日蒼涼
臧宮壯氣伊吾志
衛

縮忠誠醇謹腸從此西樞宣聖化孔明終不卧
南陽

喜公文武兩優長公退委蛇醉不狂數點殘碁
分楚漢一聲長笛弄伊涼曾嘗御手調羹味不
慣腐儒湯餅腸看語明時交際幸樹功湏似郭
汾陽

簪笏朝天玉漏長蘇公納諫復生在醉眠瀛島
春風暖侍宴披香宮錦涼闕下初宣堯雨露馬
前立吐錦心腸鵬程一舉扶搖遠利見龍飛九
五陽

占得青山拙用長老來無復少年狂
遙天孤鴈水雲遠落日半山風露涼
妙札數行排我悶新詩一首滌人腸
似公才略清班少更勗葵心向大陽

月白東林秋夜長
放吟孤嘯大踈狂
金風萬里蒹葭老
玉露一天星斗涼
已許雲霞藏老拙
更將泉石洗肝腸
西軒徙倚多情况
閑聽長空鴈向陽

白髮緣愁只麼長
浮生舟舟似風狂
莫思身外功名惱
且博樽前笑語涼
苦節壁中多蠹簡
壯

心床上有魚腸年來百慮成灰冷猶向茅簷背
曝陽

我材似拆襪絲長醉訴天公呈我狂
擣散十年多濩落蝸廬一世正荒涼
眠依苦竹踈踈影吟對愁蛩唧唧
腸莫謂此身空老大姓名應播考槃陽

折簡初開半尺長搖頭披讀訝如狂
浮雲變化堪悲恨人事隆衰為熱涼
已許金蘭通桂籍那知錦襪納移腸
過門趑趑緣何事只恐籛籛說

李陽

次趙大丘退休詩卷韻二首

水竹偏宜隱者居，小牀慵懶黑甜餘。
石床畫局能圍馬，溪畔敲針可釣魚。
捫蝨高談知者少，倒冠清興與人踈。
風波宦海深千丈，不管江村卧晏如。

桑麻霑雨露，十里帶烟痕。
細草侵幽徑，幽篁擁小門。
花明疑杜曲，霞襯似桃源。
為有歸歟興，逢人未易言。

次遣興韻

白雲流水稱閑居，無事年來樂有餘。
世上是非

誰點檢箇中風月自蕭疎三層室兀千章木八
尺床高萬卷書更有一般多藥物披蓑時向雨
中鉏

和四佳先生韻

飛瀑巖頭有弊廬年來倜儻世情疎醉吟當世
忘形友慵懶平生無過余衰鳳狂歌年已老含
鱸吉夢事曾虛草堂秋月明如晝細讀黃庭兩
卷書

四佳先生赴京於途中作永平八景奉和
孤竹清風

長歌易暴不知非一代芳名萬古輝
商嶺紫芝雖曄曄清風爭似北山薇

碣石晴照

黃河千古赴滄溟碣石山高萬丈青
紅日照蓬搖淡影浮光激灑落寒汀

龜谷藏春

人言此谷歎春風春在閑人杖履中
半醉陶然行樂處何須李白與桃紅

蓮塘避暑

風攬清香露襲衣微瀾激灑漾苔磯
無端一吸

荷心酒身在冰天玉帝闈

灤江大渡

蕭蕭蘆葦漾江波一簇行人喚不休
南去北來何日盡煙波長送木蘭舟

江亭文會

小亭高壓白蘋洲風動幽篁五月秋
玉麈清談纔罷了時聞碁子落枰楸

南山石虎

日落南山林逕昏山君隱霧慄人魂
那知世有熊渠子銛鏃穿心沒羽痕

都山積雪

高峯積雪日華明
瓊樹瑤華次第榮
更有一般清絕味
凍雲深處老猿鳴

和秋江四首

堪笑消子呼余髡者師
少年儒甚好晚節墨
偏宜秋月三杯酒
春風一首詩可人
招不得誰與步
施施

春意滿蒲池
蝻蝻活即師
茅簷短更喜
風日暖相宜
溪畔探梅興
樽前問月詩
逢君聯席話
吾欲效東施

聞子勞筋力方將大有為須窮芸閣帙莫負桂
香期漁艇搖殘照鷗波漾泮澌贊房交契友滿
室是蘭芝

世人何貿貿斤鷄笑南為行業如先勵功名自
有期陽和浮土脉日暖泛春澌咫尺登瀛近憑
予莫討芝

先生近讀少陵詩矣瓊玖有杜癖僕藏
內景不還者非久假不歸以遲先生耳
先生於前歲饋信中所道墨跡歷歷在
巾笥中矣余何忘乎易歲易月交譴雷

相月堂詩集卷六
同俟促膝大噱

惠貺

謝東村老惠新粳

東村田舍翁惠我長腰粒粒似銀珠飯炊雲
子白已喜新穀登更甘雕胡滑潦倒拙生事食
糜已數日欲效陶顏公送帖循里乞忽餽扣蓬
扉感激難可筆我聞淮陰士不忘施一飯濩落
卧林泉欲報無分寸但願鷄豚社鶴骨老逾健

送別

送人之餘航五首

栢生兩石間歲久愈葱蘢嚴勁守其節凜冽凌
霜風笑看桃李花荏苒飛殘叢丈夫確其志不
為時物遷荷道佩其德樂彼羲皇天豈肯碌碌
然區區名利焉美玉在荆顛明月沈重淵不遇
良工琢誰知無價珍願君勿自衒抱璞全吾真
鳳兮逝不返傷足歌迷陽夫子厄於陳孟軻遊
齊梁舉世競刀錐觸機百關張背憎更面悅涕
泗垂汪浪大道日以遠淳風何時揚吁嗟儻與
忽運巧徒猖狂

山中有女蘿托根千歲松洞裏有孤雲必繞飛

天龍至人愛其友上下相追蹤愚人志自滿予
然誰與從弟兄惠而好携手言同車歸歟復歸
歟言歸歸大初

嚴霜下庭際百草俱憔悴只有猗猗蘭旖旎而
滋蔓雖在林薄中馨香和以豐南山白石粲紫
芝何煥爛薄言采采之足以療我飢不見遯上
九至言傳愈久

子歸餘航山我居何有鄉何有有何有臃腫樗
遠揚有用用有涯無用用無疆舉世競候教陷
辟機關張昌黎嘲石溫所以譏蒼黃慎爾動與

止與世毋猖狂周孔愛仁義莊老貴玄教得失
兩糾紛未免談鬧鬧爭如一味禪淡然無計較
好去名山中參究悟玄妙窮源得宗旨莫踏雲
泥淖

送友人之枕江亭二首

平生萬事付江灣萬丈風帆尚徃還簾捲暮山
濃似畫窻開新月曲如環清波白石心無累獨
鳥孤雲性自閑睡起蓬扉人不掩野翁風味足
闌珊

嗟君此別意何如搖塵煎茶問故居鼎石鶴歸

秋夜月巴山猿叫暮江蘆五侯池館蛙鳴處十
里烟嵐麥秀墟揚袂一辭勞遠去故山猿鶴正
憐渠

送客二首

送客清溪上風吹葉落時情深陳器揖供薄讓
衰遲石路蒼苔滑危橋老柳歌中年多作惡臨
別輒傷悲

十年雲水裏送別是尋常再問來何日重期切
莫忘千山明積雪一室炷清香更洗盧仙椀園
藥細話長

送權幽士之頭流山

聞道我眉山上菴層巖岫岍拱西南風搖老檜
磨雲漢月映蒼波漾石潭遠近烟霞當道靄高
低島嶼抹輕嵐綸巾白幘何時理歸躡丹崖禮
佛龕

送李生之鄉三首

星山千里赴脩程攜手河梁此日情自是中年
多送別陽關三疊不忍聽
銷魂橋上數峯青風送征鴻入杳冥更把一杯
重怯問從今相別幾飛螢

南浦碧波腸斷時
村橋雪路少人行
遙知別後相思夢
香動梅花不世情

重送

昭陽春水漲花岳
暮雲濃子去復幾許
碧山千萬重

惜別三首

惜別長安路上時
不堪揮淚送征衣
至今未解胸中恨
空倚夕陽思復悲

幾番風雨苦相思
又是江天凍雪飛
耿耿傷心終不寐
小窻寒月冷禪衣

自別君來兩地分一封消息不曾聞萬端情緒
從誰話空向青山問白雲

送人如京

苦厭浮提樂不多早從甘蔗學頭陀遠拋泡幻
千般事長唱我洋一曲歌花木媚春披紫錦峯
巒經雨點蒼螺萬幾休罷逍遙處不盡清風動
碧蘿

別秋江

昔人似今人今人猶後人世間若流水悠悠秋
復春今日松下飲明朝向嶙峋嶙峋碧峯裏思

爾情輪囷

送人

沈公好楷書長官呼召頻老爺已八十在堂奉
辛勤無隸有雇工二人一耳聾一丁出馱載一
丁何恹恹二丁竝出戶額愚心多忪此時方拾
栗孰為忻在公然我不如他中心熱烘烘向我
甚哀鳴此語匪他同願聽仔細可聽湏裁從

遊賞

晚望

草青沙軟望中寬數朶芙蓉雨後戀逸馬引羣

馳野路懶牛牽綫卧江干逍遙自喜吾生樂寵
辱多驚達者難投老歸歟何處好香城楓岳碧
雲漫

日暮開窓遠眺二首

日暮山色昏夕陽明遠村冷雲低地幕宿鳥繞
林喧境僻情元懶身閑事不煩東山蘿月白清
影入柴門

不厭東南望煙霞杳靄間江分揚廣道雲合雉
龍山村遠孤燈迥林深獨鳥還上方兜史界俯
視蔑人寰

登山頂西望長安仍念昔遊三首

西望青山接有無
浮雲渺渺海天隅
十年踪跡盈胸臆
千里關河展畫圖
繚繞彩雲迷鳳闕
巖從白岳壯神都
長安日下重回首
那箇男兒不丈夫

搏鴨操鷄奄有東江山
形勝古今同麗王
昔日開功大
仙李當年致治隆
江漢朝宗流袞袞
崧高峻極鬱葱葱
分明在德非關險
天與人歸聖化豐

小魯當年膽氣雄
關河滿目水雲空
牛山何必

沾衣望 聖澤于今浹骨融
遠樹依依歸鳥外 晴川歷歷夕陽中
舉頭西望多形勝 天掃妖氛
舜業隆

晚出城門

晚出城門外 孤城落照紅
人家圍粉堞 樹色遶神京
落落三山峻 澄澄一水橫
朗吟詩已就 城裏暮鐘鳴

望懸燈山

懸燈山色碧 參差白石蒼
藤又一竒 我欲盪胸
何處是層崖 絕壑玉虹飛

望白雲山

春山綠如染一望蕩春愁
谷密藤蘿暗溪深草木柔
亂雲飛自散古木老相繆
為有歸歟與蒼松白石頭

登龍泉寺絕頂

參天老木石嶙峋一上高峯
一悵神因憶方干詩上語
寒巖四月始知春

與朴公登安市城

良

疾步登城脚力輕欣然相笑
擔筇行正似野鶴雲中趣
不減渚鷗江上情日暮孤山
收黛色波

明雙鴨送春聲年來收拾江湖景貯取青囊一卷羸

登北缺嶺北望

嶺上草樹繁逢僧復天闕送劍又復蘇斂曲金
鉤屈異鄉節物異令人多慘怛策杖陟其嶺北
望空佇立金城繚以曲香岳雲中截遙想九韓
時嗟峩柞械拔女真荷戈爰據此樂浪外依崖
竄窟穴奔馳恣玩愒豈知五百年風雲千載會
三尺拓封疆一驅昆夷駝槎牙萬木中遙遙行
道兌聖主再龍飛德澤遠霧霈朔漠絕傳烽極

望祥煙靄

登金城

秦皇昔日防胡兒，虛築長城勞黔烝。王公設險
易所贊，那似地險不可陵。魏哉千丈遠，周遭蒼
崖如削無緣登。金城自古樂浪塞，分崩離析幾
千載。假使一夫當此關，百萬強兵可以待。雖然
離合如轉丸，四分九裂成三韓。三韓亦不能固
守，又入麗祖方輿端。麗王後嗣亦失倚，天與熙
朝大平理。是知在德不在險，金湯萬里其可恃。
吊古悠悠一回首，城頭日暮山崩苑。

登北缺嶺南望

嶺上初聞落葉聲，嶺南八月露淒涼。
人歸漢北一千里，鴈去衡陽三萬程。
遠岫晴雲橫駿隼，小溪秋水碧琤瑒。
不堪吟望停雲處，縹渺天涯有弟兄。

題詠

題少年家二首

月沈窻暗曉鷄鳴，八疊屏前夢忽驚。
賴是主人多厚意，摩盤呼客問杯行。

與君惜別玉山路，政是江天雪落時。
去後書窻

應有月幸看時復一相思

題洞山驛村野

波明島嶼遠村迥接煙霞前村何處酒風景濫
情多

題金鰲新話二首

矮屋青氈暖有餘滿窻梅影月明初挑燈永夜
焚香坐閑著人間不見書

玉堂揮翰已無心端坐松窻夜正深香插銅甌
烏几淨風流竒話細搜尋

平沙落鴈

一行秋鴈落汀沙
抹破晴空數點霞
踈雨靜依黃蓼葉
寒塘細啜白蘋花
歸心暗逐湘江渚
亂翻相催夢澤涯
莫戀稻梁容易下
嚼蘆須避弋言加

遠浦歸帆

一葉扁舟泛渺茫
輕帆穿入荻花鄉
遥遥七澤歸程遠
渺渺三湘去意忙
風正緊時飛似箭
浪初喧處漾如狂
夕陽暝色人千里
欸乃數聲歌短長

瀟湘夜雨

細打寒蘆葉正颼
嗷嗷宿鴈叫江秋
幽蘭叢上行行薄
斑竹枝邊箇箇愁
遠岸漁燈明炯炯
繞灘鬼語鬧啾啾
何人夜泊楓林下
失纜相呼紅蓼洲

煙寺暮鍾

千峯迢遞亂猿啼
何處踈鍾度晚溪
韻與松濤相斷續
聲和月彩競高低
靜思雲卧晨聞句
閑想愁眠夜泊題
情緒難堪清坐久
暮天風露正淒淒

洞庭秋月

天風吹散鏡開奩
寥落秋心一夜添
桂影輾飛雲母帳
菱光射透水晶簾
看窮皓色三千匝
吞盡波心八九兼
自此清輝分壯氣
更無查滓礙廉纖

江天暮雪

埋盡平沙沒釣磯
和風瓊屑滿江飛
細粘蘆葦千枝亞
重壓松篁一逕微
汀外晚潮人獨立
渚邊枯草鳥相依
斷橋肩聳騎驢客
吟斷新詩何處歸

山市晴嵐

霏霏拂拂又迢迢染着秋風吹不消輕罽青
沽酒店薄籠殘照送人橋依稀林石泉聲咽
彷彿鴉樹影搖自有武陵堪避世何勞忘路
問漁樵

漁村落照

斷橋村路少人行江上晴峯落照橫
灩澦波光隨水去霏微淡影曳林明
兩三腔笛斷霞外七八葉蘆樓鴈聲
吟罷天涯回首望白蘋洲外帆
歸輕

有客自春川來言其鄉中十景因題以贈

醉遊春城

春城百花開春興何嬌
我薄言酌金壘且以寬
心懷叱撥金絡頭日斜
花間回紅雨亂紛紛撲
鼻清香來美娃舞婷嫻
低唱相徘徊借問是何
曲細細歌落梅落梅歌
未闕馬首傳深杯酌以
碧葡萄槽床新發醅嘉穀
爭後先笑語聲哈哈
江風細如縷江水青如
苔覽物興無窮樂極生
悲哀

返棹昭陽

昭陽水初漲浪蹙縠紋
細風靜鏡面平兩岸荏

蓄潁乘興泛扁舟長歌鼓蘭柁垂我千尺竿脩
然多不世侵晨溯江流言發毋津汭擊浪聲不
停舟行亦無滯仰見清平山數峯工遠勢眉黛
忽有無淡淡烟光霽興盡暮將返晚山濃如髻
欸乃聲不絕東方吐蟾桂楊柳陰陰中短篷又
還繫

采藥仙洞

我欲采藥還艤舟清平渚我如劉阮行食盡歸
無處行行見桃實團團甜可茹身輕骨欲仙行
至數里許溪流清且淺一杯隨水去杯中何所

有胡麻飯新貯溪邊窈窕女一笑來延佇迎入
設床帳禮數秩有序伴宿玉堂淨無夢清夜阻
深嗟我塵人已覺爾仙侶送我出洞門重尋迷
處所

尋僧花岳

暇日扶青藜陟彼華山岡石逕何犖确蒼蒼松
檜涼山雲暗藤枝山風吹桂香徑盡見蒼崖飛
瀑流泱泱一條素如練直下林巒傍上有千丈
松下有十笏房老僧雪眉皺觀空坐石床迢迢
難攀緣默默遙相望我無身八翼亦無修鍊方

火宅透塵網，竭來投古皇。願借一神通，哀愍垂
慈光。

釣魚新淵

前年買綠蓑，今年買箬笠。志慕玄真子，酒酣吹
長笛。吹入西塞山，三峯岌然插。下有一澄潭，潭
底陰罍蟄。苔磯平如床，俯瞰清潭碧。斜風細雨
中，垂綸一千尺。小魚吹噓噓，大魚跳唧唧。紅塵
日日忙，綠水年年色。持竿不投餌，坐茅暝兩目。
閱盡世間途，朝暮風波惡。打槳日暮還，半江山
月白。

喚渡孤山

江平風不起鏡面無查滓中有渡人舟遠望一
點耳孤山在中央四面峭插水我來喚爭渡彼
岸舟已艤久立舟不來孤山登以俟俯視白蘋
洲浪淘沙成汜夕陽暝色遠浮烟生江渚上灣
寒波激下潭澄江湖蕭蕭蘆葦叢蒼蒼鴈相倚
何處鬢鬆子卷釣清江止撫景獨徘徊忘却歸
千里

送客江亭

江頭遠送人餞別江之亭主又不忍別客亦難

為情相對兩黯然亭前江水明班荆贈以言滿
酌飛巨觥取醉不成歡慄別臨行程有客抱琵琶
來作驪駒聲聲聲悲帶歡鐵撥彈鏗錚至亦
不能返客亦遲遲行秣馬添酒樽白日西山傾
主人復投轄勸聽歌渭城回燈更痛飲明日當
西征

吟過石橋

平生愛山水有意輒駕之駕言恣遨遊不憚行
嶮巖山巔與水涯得意忘勞疲興盡且復返何
必訪戴逵時值雪初霽萬徑行人迷日暮騎蹇

驢醉著白接羅苦吟眉山皴高聳肩峯危風吹
鬢髮鬚不覺帽簷歌興闌夕陽薄獨鳥投林飛
銀屑隨回颺瓊縻鞞松枝誰知蕭索中磊落多
詩思

秣馬松院

我行村墟中言旋秣我馬秣之何處好秣之松
院野卸鞍脫羈韁放之青林下蕭蕭仰天鳴似
厭鞭驅者綠鬃散如雲赤汗沫如赭奮首嚙芳
草喜氣如逸序寄語飛黃駒汝勿相憚也國家
大平久落日邊烽寡不馳天山場惟返鷄豚社

親作魏醜也

假如虜塵飛王命征戎觀六轡若若垂咄爾其
躋跨

伐兔楸林

昨日西風吹郊原霜意豪牽黃臂蒼去伐兔楸
林臯跨馬出閉門飛騎追吾曹蹴踏馬不發噴
空鬃生飈怪來仰看雲盤谷雙鷗嗥欲以壯伏
人挽弓馳一遭一發落雙鷗左右皆豎毛我言
君勿訝是事何足高鷹揚朔漠塵馳驚長城壕
琯弓白羽箭手握寒霜裁一戰報我王却勝
遭我拙

山中十景

掃地焚香閉戶眠，夢遊連逕有巢天。
衣冠文物古今變，損益質文時世遷。
甚矣吾衰姬不見，嗟乎聖遠道難傳。
唯應萬代相因在，遲我知心五百年。

右焚香高卧

養氣靈丹匪鼎爐，只應肘後一神符。
聖賢不賺貽余去，愚知無嫌在我乎。
明日射窗清靄動，晚煙歸洞淡雲孤。
自從會得山居趣，摩詰重來不可摸。

右服氣導引

蒿鞋短襖灌蔬畦藜苻芟來芋葉齊逗走螻娘
窮鷄雀咄嗟萍韭淹鹽鷄短籬橫掩補茅屋小
逕曲通穿竹溪此味也須嘗食祿不可此色染
黔黎

右灌園鋤蔬

豆藿初生葉可拈溪邊小麥復蘄蘄人生行樂
學楊惲閉門拒宰韭宋織假如代耕奚不起倘
來為官肯暫恬日晚鷄鳩啼正緊攏頭叱犢腰
橫鎌

右躬耕代祿

伐木丁丁春山幽木頭欲顛斧柯捄跨巖涉澗
不憚遠入洞穿雲無暫休石室爛柯伴玉質海
上作桴從仲由嗚呼素志負已久勃烘作衣爐
床頭

右析薪拾樵

一泓溪水淡如藍潑潑魚兒弄碧潭籊籊竹竿
橫翡翠陰陰磯石擁檉楠釣鰲計作鹿蕉夢點
額心為遼豕慚濯足濯纓隨世變卷絲乘月入
煙嵐

右清溪垂釣

携籃采菜入南山山勢周遭石角巖朝露溥溥
凝葉歧晚風颭颭亞莖彎禽鳥訝予歸樹上狸
狂驚迹竄林間日晚長歌援藤蔓鞋穿赤足踏
潺湲

右携籃采菜

雨暗深洞藥苗肥剔去蘆鬚滿檐歸廩祿焦心
曾染指功名催老已知幾商山芝皓來回漢海
上徐翁去不歸托此欲成投隱計人間誰有羽
生衣

右采藥深洞

端坐移床讀聖書惺惺心地黑甜餘晚年學易
問夫子晝寢何誅警宰子已往不曾為蠹竊到
今從許養蠹魚早知一字飢無救多斫松藤補
敝廬

右移床讀書

放曠踈狂問若何從來巧者計情多逢人咄咄
從教怒耦語期期任許詔虫鼠臂肝皆可喜馬
牛呼召亦無訛樗為臃腫違繩墨枝幹年年老
不癯

右放曠狂踈

題壁

綠葉成陰處
間關有鳥啼
客情無限苦
狂逕草萋萋

梅月堂詩集卷六

梅月堂詩集卷之七

疾病

病中

客中仍病卧愁緒亂如麻
人問維摩疾童迎扁鵲
鑿可心唯有酒排悶莫如詩
日午庭陰靜青虫解吐絲

病劇不能赴程還山

將向東都路數千
故山松竹尚依然
維摩有疾元非疾
蘇晉逃禪豈愛禪
茶可澆腸斟酌飲
病能省行薦取愆
乾坤一箇長亭耳
那有東西我

欲旋

病後

病後情多倦癡然被凍蠅石鼎紅浪沸香鑪白
烟騰徑小莓苔淨山空紫翠凝身羸筋力健恰
似在韝鷹

山居病中

病餘敲枕看南山山在虛無漂渺間病為衆生
聞古語藥成靈劑駐童顏雲如有意多時倦花
自無愁竟日閑除却苦吟難可療不如拈筆卧

松關

疾病

老與病相仍蕭然一凍蠅心煩思快果吻燥愛
寒冰矮榻晝無客孤窻宵有燈此身元是幻消
瘦也非憎

病劇

良劑終無效仙方向我欺對人常嘿語有意輒
題詩顏似江梅瘦腸如野鶴飢流年遽如許癯
鬢半成絲

遣病

十年放浪遊山水瘴雨蠻煙多惱人露宿江村

風剪骨星居巖竇冷侵身唯看兩鬢年添白不
覺雙眉日漸皺披閱古方無寸效也宜看箇本
來真

無量寺卧病

春雨浪浪三二月扶持暴病起禪房向生欲問
西來意却恐他僧作舉揚

醫藥

枸杞

君不見昔日朱孺子夜聞犬吠斲靈杞食之遐
舉凌風塵上品功能難盡陳又不見蘇仙賦中

堪作糧葉實花苗甜且香
我來手撫仙杖枝因
風翠葉相離披世人戚戚
皆頽齡未滿情懷雙
鬢星願爾神功均施人大濟
蜉蝣知汝靈

學餌黃精

西菴有一老話我長生
道教我服黃精辟粒可
為糧非唯能久視絕貪身
無累一啖兩羨全道
遙遊自然世人皆草草
多為利與壽區區百歲
內逐逐不自守一朝履危
機悔恨復誰咎子既
世外人須行世外事
莫使流輩頑反覆失素志
我聞謝不敏煙籠山晚翠

傷悼

悼海超

白雲黃葉耳長寺共坐隨緣度幾年今日忽聞
遺隻履空山秋草正綿綿

哭正菴

六十餘霜返故鄉生涯袋鉢與繩床
寵渥人天仰已作塵間話一場
聖恩

題成氏墓倚廬壁

參判成順祖
子倣俊健

惟天生蒸民有物必有則况此秉彝心非是強
戕賊只緣衆人蚩安此蔽物欲或生悖逆心以

為父母辱惟聖乃性者天然萬善足呼參語孝
經始終詳委曲明明千載下昭昭如日赫身之
則為善反之則為惡其間或身之鮮有盡條格
昌寧成氏家代代皆斯文巍巍珥貂裔奕奕雲
臺勲聯翩有三子舉舉鸚鵡羣其一鳳閣郎氣
貌淡而直其二大諫議天質貞如玉其三文院
臣雅志無雕琢一一不豪俠个个冰霜白在堂
大夫人鴉鳩恩養均居喪極其哀迢出二連綿
事母盡其孝邁於穎叔純先考遷化期慟哭如
初喪大恩未能報左右詢其詳有為佛者徒勸

祀西方神蓬藿佛宇開幡幢揚華筵密邇玄宮
邊鍾鼓何鏗鏗雖非儒者事誠則通神明全本
青衿徒習隱青山楹不喜佛因緣不慕超功名
但愛聽松泉逍遙蘿月堂人疑遯世徒濫預緇
流傍不悅未叅會愧恨心怏怏感聽躡躡聲有
淚流汪汪

有人七十得兒情鍾甚篤齡才四夏學語
知人而今亡矣其翁悼之不勝嗚咽余亦
感之作近體以吊

死生雖有命夭折問何緣已與兒童戲偏為父

毋憐故衣猶在架
翫物尚留氈
忍聽翁翁悼將
隨向九泉

哀高觀察妻金氏亡以高公之意悼之

錦瑟秋來已斷絃
北邙山下築新阡
已經胡蝶人間夢
應化姮娥月裏仙
寶篋空餘留玉櫛
牙床依舊脫花鈿
那堪庭畔無趨者
誰尸清明酌酒錢

挽詞

灼灼園中桃與李
遇秋閑落遇春開
如何世上蜉蝣壽
一到黃泉不復來

山居集句

其一

門巷寂寥空綠苔

皮日休

好山好竹少人來

戴石

獨拳一手支頤卧

葛敏修

橋畔茶蘼爛熳開

陳月

其二

枯木扶疎夾道傍

顯卿

旋呼拄杖立斜陽

放翁

前生莫是寒山子

後村

後五百年無此狂

放翁

其三

糲飯藜羹飽即休

拙菴

無思無慮混時流

南明

吾生也似梅花淡

放翁

愛月憑欄不下樓

梅塢

其四

踏破溪邊一徑苔

戴石屏

梨花梅花參差開

崔魯

從今老子都無事

簡齋

一日須來一百回

杜工部

其五

瀑煮春風山意長

秋崖

道腴禪悅度年光

放翁

莫言隱者無功業

一齋

一卷新傳辟穀方

放翁

其六

亂山擾擾水洄洄

陳月觀

卧對寒松手自栽

皇甫

老我十年枯淡過

冰崖

可人携手話敲推

正齋

其七

小小茅簷短短籬蒙齋荒階相伴只筇枝簡齋

清風明月無人管山谷半入踈篁半入池李三

其八

坐到心清有妙香陳藏梅梢橫月欲昏黃秋崖

年來心定無閑事秋江清梵銷聲竹閉房

其九

屋山竹樹帶踈蟬後村日日空山夜夜泉雍陶

暫借藤床并瓦枕雪堂晝長無事曲肱眠南峯

其十

古鼎燒殘心字香趙彥蒲團紙帳任更長陳藏

重門深鎖無尋處元郎士脩竹半窻雲一床秋崖

其十一

風擺簷鈴三兩聲張志寂無人語紙窻明劉改

半宵不記山中睡鮑鰲只有春風喚得醒吳菊潭

其十二

杜鵑花落石闌干秋崖處處虛堂望眼寬白石

盡日問花花不語無名氏半窻微雨看青山盧可菴

其十三

紙窻窻上月徘徊南峯我欲無詩柰此梅王建

賴得月明留瘦影平洲就中描得一枝來月山

其十四

隨宜樂處省營為

康節

个是吟翁得意時

南峯

莫學二郎吟太苦

樂天

須臾白髮亂如絲

宋之問

其十五

寺在清溪第幾峯

秋崖

羣鴉飛散下堂鐘

李涉

老僧長揖歸方丈

周登

峭壁噴峯千萬重

玉川子

其十六

簷影重重壓小闌

篠窻

片雲孤木伴身閑

浪仙

要看凜凜霜前意

雪堂

窻外新添竹數竿

其十七

一物其來有一身

邵子

慢然清世一閑人

張

一聲啼鳥破幽夢

趙彥篋

春負余耶余負春

秋崖

其十八

宿雨初收草木濃

李涉

空齋不語坐高春

柳柳

物情多與閑相稱

劉成

盡日門前獨看松

李涉

其十九

如今一事亦無~~幾~~

秋江

小鼎煎茶面曲池

韋應物

忽喜靜中生意動

張志龍

山風吹折桂花枝

許渾

其二十

草草衣裝鬢半垂

後村

野人休誦北山移

荆公

若教俯首隨韁鎖東坡野鷺家鷄那敢隨千

其二十一

僧在翠微開竹房蒙齋木香花發日新長翁巖

日長睡起無情思揚誠齋閑却薰爐一炷香許潭

其二十二

著身穩處君知否放翁萬壑千峯獨閉門劉長卿

門外鷓鴣啼天寂寂栢巖不知人世幾黃昏無名氏

其二十三

春草秋風老此身劉商白雲紅樹好為鄰老吉師

分明記得曾行處方干水遠山長愁殺人李文山

其二十四

只合空山卧白雲

山林可

青松為友鹿為羣

一

前峯月照半江水

姚合

寒寺鐘聲隔岸聞

趙福

其二十五

從來佛法無多子

秋崖

直下承當已是遲

蔣山

不識清吟過夜半

周文

此心能有幾人知

貫休

其二十六

夜如何其夜未央

詩

二十五聲秋點長

李郢

最是半牕初睡著

朱淑

小樓人靜月侵床

元遺

其二十七

十二峯頭月欲低

李涉

鷓鴣休傍耳邊啼

昌黎

道人深掩禪關坐

後村

正是千山雪漲溪

牧之

其二十八

山深嵐光帶日黃

羅豫章

柴門空掩竹間房

蒙齋

世間安樂為清福

南峯

聊為煎茶一據牀

放翁

其二十九

洗耳人間事不聞

一齋

山林投老倦紛紛

荆公

白頭不識公侯事

琴屋

最愛深溪枕白雲

魯望

其三十

嘿坐焚香儘自佳

秋崖

清風滿路落松釵

徐四

溪南山色青如許

洪盤隱

蒼翠無言空斷崖

魯望

其三十一

重岡如抱嶽如蹲

薛逢

山外斜陽不到門

高疎

獨倚欄干清坐久

胡立堂

娟娟新月耿黃昏

放翁

其三十二

烟霞壁立水溶溶

薛逢

人在深居第幾重

進齋

始悟真源行不到

文公

眉毛尖上起清風

千巖

其三十三

風竹蕭蕭梧葉黃

信菴

因來携枕卧藤床

趙彥

秋風病骨稜稜瘦

朱曇峯

要試囊中服玉方

放翁

其三十四

竹逕依依日半陰

荆公

無朝無暮有猿吟

元結

年來百念成灰冷

歐寓菴

始識當年教外心

朱文公

其三十五

山杏溪桃續續開

放翁

滿庭鳥迹印蒼苔

陳水

春來無以消長日

同人

花木成蹊手自栽

荆公

其三十六

踏破芒鞋陟翠巖

蒙齋

不因月上不知還

周登

無人會得閑中意

秋崖

買得狂名滿世間

劉改之

其三十七

白石溪邊自結廬

曹唐

野人籬落豆花初

李郢

可憐荒歲青山下

盧綸

雨穀乾時偶自鋤

同人

其三十八

隱隱鐘聲出翠微

林龍

吾廬松徑小柴扉

陳簡齋

淒涼但有雲頭月

劉彥冲

不改清陰待我歸

錢起

其三十九

去歲貪猶未十分

秋崖

園收芋栗不全貧

草堂

今年脫却雲居袴

瑯琊

納掛松梢惹得雲

韓偓

其四十

一室無喧事事幽

襲美

小軒風露一簾秋

放翁

貝作貧

闌干立到斜陽盡

竹溪

天上銀蟾曲似鉤

石屏

其四十一

挑得詩囊到上房

蒙齋

蕭然茅屋枕橫塘

豫章

人窠正在風波底

南峯

花影滿簾春晝長

彥

其四十二

子規枝上月三更

崔塗

睡起東窗一榻橫

放翁

欲睡不成還獨坐

同人

新梅嶺上鷓鴣聲

李郢

其四十三

山蔽收時帶竹胎

皮日休

石菖蒲長水蕉開

曾茶山

杜鵑聲裏茶蘼老

菊潭

且喜年光去復來

張

其四十四

千峯盤屈色如藍

雪竇

滿目文殊接語談

明招

要識全提端的處

慈航

亂花飛絮趁長簷

陳秦溪

其四十五

老栢亭亭翠色同

秋江

年年長在雪霜中

宋人

庭前不合新添樹

宋謙甫

清曉輕傳一信風

應龍

其四十六

山堂靜夜坐無言

川老

腰脊纔酸又要眠

千巖

正伊麼時誰會得

張九成

一林黃葉送秋蟬

鄭谷

其四十七

從來身世大無端真覺戲把乾坤掌上看南堂

閑步却來游幻海自得了知生死不相干玄覺

其四十八

半窻圖畫梅花月陳成梅不飄零月不虧許子

明知花月無情物蔡君謨那有心情問客誰秋江

其四十九

書伴孤燈照老顏張志龍博山薰盡鷓鴣斑榻潭

相逢盡道休官去靈徹那得浮生半日閑秋江

其五十

休將文字占時名柳柳爭肯區區徇世情蔣山

行遍天涯千萬里

放翁

却懷孤影在禪庭

其五十一

尋常出入面門中

知非子

礙却澶關路不通

南明

坐久忽聞鈴索動

韓偓

宮商信任往來風

高駢

其五十二

自呼自應主人公

知非子

土上加泥又一重

牧菴

拖得瘦筇閑信步

放翁

隔溪遙見夕陽春

柳柳州

其五十三

林泉情味苦依依

大覺連

莫厭家貧活計微

樂天

雲確旋春菰米滑

放翁

卧看涼月入窻扉

同人

其五十四

曲几焚香對石屏

儲嗣宗

依前明月嶺頭生

其和尚

君看白首誦經者

盧尚書

自有天龍側耳聽

龍門

其五十五

桂冷松香十里間

唐求

清風猶自逼人寒

劉隨如

山堂盡日焚香坐

杲禪師

剎看溪南幾尺山

韓偓

其五十六

江梅欺雪樹槎牙

鄭有極

頼有知心是素娥

蘇翁

踈影暗香猶昨日

徐抱獨

小窻和月嗅梅花

東坡

其五十七

得優游處且優游

川老

暗覺年光似水流

許渾

桑海誰知浮世改

月軒

一生常恥為身謀

放翁

其五十八

燭暗香殘坐不辭

魯望

窮居積雨壞藩籬

實牟

自知寡與真堪笑

羅豫章

花落南園聽子規

虞伯生

其五十九

香霧空濛月轉廊

東坡

蛩聲唧唧樹蒼蒼

李郢

夜寒記得僧房夢

秋崖

紅樹枝邊日月長

宋邕

其六十

偶向松關覓舊題

荆公

刺桐花下路高低

方干

去時初種庭前樹

同人

夜半子規來上啼

顧况

其六十一

近覺於山轉有緣

潛齋

偶從山後到山前

玉川子

閑來又倚松陰睡

節齋

落日深山哭杜鵑

劉滄

其六十二

夜來幾陣隔窻風

鄭月山

吹折門前一株松

禪語

試向靜中閑側耳

雪堂

竹爐湯沸火初紅

杜小山

其六十三

山衲經過滿逕蹤

薛能

掉頭歸去又乘風

韓翃

白雲可是無拘束

林龍門

一片西飛一片東

王建

其六十四

無朝無暮有猿吟元結巖點孤燈月未沈寒山子

禪伏請魔歸靜域韓偓西風吹動故山心車螯

其六十五

利門名路兩何憑杜荀鶴高塔晴來獨自登鄭谷

動靜隨緣恁麼過尚琪和飄然雲水一高僧東城

其六十六

杏花零落寺門前張籍隔闊西菴又幾年鰲川

啜罷杯茶各歸去蒙齋寺臨千頃夕陽川崔塗

其六十七

一枕清風直萬錢

東坡

火殘香鴨尚微烟

放翁

遊人莫用傳消息

丹霞

乞與人間拙十年

王斗山

其六十八

路向秋峯頂上分

趙天樂

鶴搖松露滴行人

菊潭

定無俗子知蹤跡

蒙齋

世事年來不願聞

同人

其六十九

雨過芹香帶淺泥

蒙齋

辛夷花盡杏花飛

錢起

簾前數片無人掃

戎昱

無語送春春自歸

其七十

冷淡生涯靜更嘉

秋江

炊烟不動竹籬斜

放翁

拾 採澗俱清節 同人 來與山人共煮茶 壘山

其七十一

但得心閑事事閑 禪語 何論朝市與雲山 李宗

從來世事多兒戲 石屏 不見人心有兩般 橫渠

其七十二

老慵自愛閉門居 樂天 玄晏先生滿架書 李涉

客又不來春又老 秋崖 偶然聞雨落階除 荆公

其七十三

清陰冪冪布庭除 西山 綠樹無人晝夢餘 劉貢

洞裏春風似相識 陳石 就床吹落讀殘書 盧徐

其七十四

參禮名山適性靈

劉禹錫

故鄉七十二長亭

杜牧

如今年老無筋力

楚令孤

筇杖斜斜倚素屏

放翁

其七十五

清時有味是無能

杜牧

壞納蒙頭百慮澄

和菴

聖主恩深何以報

放翁

萬年松上一枝藤

徑山

其七十六

俗人相訪若為通

皮日休

所恨求安計不同

劉威

各據枯梧仍不寐

荆公

一宵清話又成空

李涉

其七十七

銀河淡淡瀉天池

蒙齋

燒竹煎茶夜卧遲

姚台

月又漸高霜又下

正孫

古壇松樹半無枝

盧綸

其七十八

金爐香盡漏聲殘

荆公

銀漢無聲轉玉盤

牧之

客至莫嫌無管待

千岩

烏甌一啜夜窻寒

橫渠

其七十九

个中端的有誰知

陳體

今古初無間斷時

香岩

半夜巖頭風月靜

翠岩

杜鵑啼在落花枝

大惠

其八十

溪光月色本清奇

謝太冲

一笑相從自有時

放翁

水似青天天似水

李涉

冰輪輾上青瑠璃

馬子才

其八十一

他家忙亂我安然

千岩

說與傍人是地仙

放翁

閉戶日長春寂寂

虞氏

陶詩一卷枕屏邊

後村

其八十二

南隨越鳥北燕鴻

李涉

禪板蒲團入眼中

山谷

老我十年枯淡過

水崖

不知身已屬西風

張籍

其八十三

無媒逕路草蕭蕭

許渾

却算遊程歲月遙

杜牧

踏斷亂雲歸去後

尚琪和

任他今日與明朝

南明泉

其八十四

翠壁一重雲一重

秋崖

時行時止自從容

進齋

科頭箕踞長松下

王維

一卷黃庭讀未終

蒙齋

其八十五

俗駕今隨水不回

東坡

碧山明月照蒼苔

宋邕

遠公自刻蓮花漏

張喬

爭奈淵明醉不來

魯望

其八十六

穩步青鞋踏軟莎

蒙齋

又乘微雨去鋤菰

放翁

春風堪賞還堪恨

雍陶

落盡碧桃無限花

呂洞

其八十七

沙作妙

雨過幽庭長綠苔

劉秉忠

桃花淨盡菜花開

劉夔

直將底事消長日

真西山

刻燭題詩又一回

韓子蒼

其八十八

春去春來物不知

蔡伯弼

古今人事若花枝

陶弼

世間甲子須臾事

許渾

恰似山翁一局棋

錢叔度

其八十九

岸上紅梨葉戰初

魯望

風泉滿院稱幽居

曹唐

近來漸喜知聞斷

樂天

山鳥一聲春雨餘

尼沙靜

其九十

借得松風一覺眠

秋崖

卧雲深處不朝天

海印

滿前春意濃如許

秋江

未必新詩待畫傳

秋崖

其九十一

踏破千山與萬山

蒙齋

洞門牢鎖白雲關

王秋

萬松嶺上一間屋

僧顯

僧與白雲相對閑

石屏

其九十二

分得雲山老一瓢

秋崖

蓬萊春盡儘逍遙

壘山

松間寂寂無烟火

秦系

一點山螢伴寂寥

鄭谷

其九十三

行盡江南數十程

杜常

交遊昔歲已凋零

韓經

欲談舊事無人共

放翁

溪上虛堂一榻橫

同人

其九十四

一條藤子活如龍

古德

乘興時拖入亂峯

彦球

今日見君嘉遯處

薛逢

寒流石上數株松

盧仝

其九十五

甚欲讀書如懶何

放翁

莫教文字占生涯

皮日

應知多學還多事

陳茨

幸自無風又起波

邵子

其九十六

花壓欄干春晝長

温飛卿

擁衾時炷海南香

放翁

山中老宿依然在

東坡

更有靈蹤在上方

宗鏡

其九十七

物外佯狂五百年

放翁

波暖孤冰且自堅

許渾

日暮隔山投古寺

楊憑

上房僧室翠微連

李郢

其九十八

石鼎煎茶橘殼香

千岩

見人無力下禪床

趙州

從來大道無拘束

大慧

分付梅花作主張

六一

其九十九

白雲影裏笑呵呵

雪竇

諸佛衆生眼裏花

千岩

更無鞭策來拘束

石門

有好兒孫守得麼

其一百

書卷紛紛雜藥囊

陸游

倚床自炷水沈香

虞伯生

柴扉草屋無人問

顧萱

密雨斜侵薜荔牆

神州

成化戊子冬居金鰲山雪夜擁爐寂無
楚音風竹蕭騷有起予之趣因與山童
撥灰書字集古人句有當於山居之味
摘成一律仍集
與好事者共之丙
申夏碧山清隱

調詞

山中看月

念奴嬌

小窻靜倚看青山遠碧蛾眉新畫煙淡雲收光
欲滴更看冰輪倒掛篆香初熏茶煙欲起景致



